



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二五六

甘莊恪公全集十六卷 甘汝來撰

一

休休吟五卷 莊 歆撰

一七七

柳南文鈔六卷柳南詩鈔十卷 王應奎撰

二二三

求志山房文稿六卷年譜一卷 胡具慶撰

三五七

靜廉堂文鈔一卷靜廉堂詩鈔六卷 顧 琮撰

四六三

德蔭堂集十六卷年譜一卷 阿克敦撰

四九九

強恕齋詩鈔四卷強恕齋文鈔五卷 張 庚撰

六一三

謹案甘氏族譜始太祖諱祐字佑卿宗
南渡紹興間官拜南雄道參軍朝奉大
夫生子八人第六子以綱公為江西奉新
縣甘氏之祖 莊恪公汝來其裔也季子
以和公居南西甘坑後遷順德之碧江通
八邑邑庠生序銓儒學東野公再遷香
山小欖鄉與江西奉新固宗派也 國朝
雍正十年 莊恪公任粵藩南下車即合

粵有諸同宗是建遠宗祠坐於羊城師
古巷曰數年書院奉商代甘盤為大
宗太祖親書嶺南名宗四字額其堂
禮曰尊祖故敬宗敬宗故收族 莊恪
公有子 翰林仁兄和滬上舊書肆
贈內莊恪公全集肆存珍藏有年余
閱世既久懼為海內孤本因重加裝潢
由滬寄欖藏諸 祖祠俾後之讀斯

集者知其前高風名臣偉績庶幾
閱風興起克振家聲或各負我公
敬宗收族之志也夫因囑託其尊藏
斯集之志如此云
宣統二年元月

里人李麟昌敬誌



甘莊恪公全集

賜福堂藏板

序

古大臣立朝事君蒞官治事要不外誠正之學蓋其平日所學在此此外此更無敷施之具是以在外則德澤加民無愧行義在內則啓沃功深無_二風夜_一悔吾師甘莊恪公足以當之夫誠正之功在已爲毋自欺在事爲忠恕施之一家敦篤在人倫日用之間施之天下政績在致君澤民之大惟公心地慈和風規整肅其律已也本乎實學其應世也本乎實心其蒞官也本乎實政是能合誠正而終身以之者令直隸時戢豪強愛士民以

良稱出守太平洊歷巡撫皆不出於粵整飭土司撫戢民苗於書院義學尤慎簡師儒多方培植蓋公之造福於吾粵者至深且厚要無非本此至誠無僞之心以周旋於出入施行之際故能所至民樂所去民思逮晉中樞筦銓部受

天子委任眷注益優渥隆重而公之篤於職業靖共矢報亦復竭忱罄智不遺餘力卽偶作爲詩歌論辨箴銘誌誄人世所視爲應酬之具者公猶是本至性至情形之楮墨蓋公之政事文章合而爲一本誠正以爲學卽

本誠正以爲治歷數十年如一日亦貫始終而不替至公之尊祖敬宗敦倫睦族是又爲政於家肫誠罔間者也宏謀於癸卯禮闈受公知繼復沐浴教澤深幸得所師資嗣是荷沐

殊恩簡任內外所至之地極思愛民飭吏不辭勞瘁庶有益於民事有裨於

國家以期不負於師教而心餘力歉失之因循者半失之畏蕙者半已萬萬不能及公今讀公遺集愈有以想見公之爲人而不禁慨然慕悚然愧也公長君愛廬主

甘莊恪公全集

序

二

政哀公詩文綱舉目張是可謂能世其家者因不揣弁陋而爲之序乾隆庚午夏五月桂林受業門人陳宏謀謹序

甘莊恪公全集

序

三

唐代以文章名者推張燕公說蘇許公頌爲大手筆後如崔文貞祐甫陸宣公贊權文公德輿李衛公德裕諸公並以著述顯名當代不知之數人之見重於文苑者由盛德大業發而爲文故其文足以光昭日月人無異辭若第曰文焉而已彼王楊盧駱之徒誰非能文而其文不得與燕許以下諸公並埒知文之所重惟其人而不惟其辭也吾師大家宰甘公其以德業爲文者與公起家江右以名進士作宰旋晉銓曹守邊郡擢監司外畀封疆內陟卿貳未幾即授中樞簡任冢宰綜前後計

之不二十年人第重公得

君之專位望之高勲伐之盛爲當代鉅人而抑知公之所由然者本於同人之中正大有之剛健洪範之攸好德而然則德業並隆固爲

熙朝所罕儔者也且夫爲大臣者豈必藉文辭見稱於天下哉然源深者流長根植者枝茂讀公奏疏摺子則經世保邦之功備焉讀公條列告諭則化民成俗之機裕焉論議以闡道理之正策問以籌濟時之方其他箴銘記序傳贊碑版皆有關於學問之深醇心術之純粹

與夫人品事功之可傳而可久卽至作賦詠歌皆炳焉與古人同風而不止見長於體物瀏亮緣情綺靡之列卽不必規規焉求同於燕許以下諸公而理足體高辭文旨遠實有異代同符者此豈雕文纂組從事於聲華格律之間者所能等量而齊觀也耶已未春闈潛出公之門拜公邸寓諄切勸教於立身行已事

君出政諸大端語不必繁而理括義該令聞者發蒙振聵方幸登龍門侍杖履儕於荀爽之徒而哲人遽亡仰效安從天下惋惜公之未竟其用嗚呼其亦可慨也已

甘莊恪公全集

序

四

歲已巳長君主政君出公遺集見示命潛草序潛之不文烏足序公之集然旣得大賢而師之因得援門人序師文之例如李漢爲昌黎作序挂名簡末有遺榮焉且使天下讀公集者如與燕許以下諸公掛讓泳游知古今文苑所重不第惟其辭而必惟其人也是誠文章之正軌也夫乾隆己巳初夏長洲受業門人沈德潛謹序

甘莊恪公傳

甘汝來江西奉新人康熙癸巳進士五十七年四月由教習選直隸涑水縣知縣五十八年十二月三等侍衛畢里克練鷹至涑水強宿民房毆傷居民汝來查訊拘禁經散秩大臣奏聞交部質審部議褫職

特旨寬免六十一年調任新安縣雍正元年三月選吏部

文選司主事九月充

恩科會試同考官十二月授廣西太平府知府二年十一

甘莊恪公全集

傳

一

月遷左江道三年五月遷廣西按察使四年五月擢廣西巡撫七月疏言廣西南寧太平慶遠思恩四府向稱烟瘴現今南寧府屬之宣化永淳橫州思恩府屬之武緣居民稠密烟瘴全無請將此三州四縣正襟員缺並南寧府經歷司獄均停其調補改歸部選至柳州所屬之馬平雄安直隸賓州所屬之上林獍獍獍悍素稱難治嗣後正襟缺出請改照烟瘴之例選擇調補再定例南太慶思四府烟瘴缺出揀選調補歷俸三年卽行陞用雍正

二年部議改照五年之例題報陞用但州縣等官俸銀火耗足以養廉襍職微員俸銀無幾鷄衣菜色不勝愁苦請仍照三年卽陞之例俾微員得慶生全

特旨允行八月

命來京陞見五年二月擢都察院左副御史時原任廣西州判程旦在都察院控告土司羅文剛不法

上以汝來彼時爲臬司又繼爲廣西巡撫因循怠忽不能整頓

甘肅恪公全集

二

命與李紱同往辦理土司之事並命汝來署廣西巡撫印

務雍正五年八月疏言思恩府屬西隆州僻處府

治西北一千餘里西林縣離州僅百四十里距府

則一千一百里烏道崎嶇界接滇黔獠獠梗知

府鞭長莫及請改西隆州爲直隸州將西寧縣分

歸管轄其武緣縣與泗城各土屬白山等各土司

仍歸思恩知府就近綜理部議允行九月

上以汝來與李紱會奏土司事件支離又奏請鎮安土司

設學非苗疆急務設學事不准行著卽回京旋因

巡撫任內擅動驛馬降二級調用六年十二月因按察使任內土司羅文剛不法不行緝捕一案革職

命總理咸安宮學事務七年十二月山東巡撫費金吾奏濬山東濟寧江南徐州等處水道歸海

命汝來與阿克敦往水道工程處同司督修之事九年二月起用霸昌道五月丁母憂

命在任守制九月調江南蘇松糧道十年二月署廣東布政使八月實授廣東布政使十二年四月擢禮部

甘肅恪公全集

三

侍郎十三年二月署大同總兵治大雄叅奏原署

總兵李如栢侵欺工料虛冒兵糧李如栢叅治大

雄不嚴束兵丁私用公項銀兩

命汝來同副都統佛保李元亮往審尋奏聞

上以李如栢冒濫與扣剋軍糧者少有間革職免其治罪

留總兵銜仍領住防兵往北路効力治大雄革職

八月充八旗通志副總裁九月遷兵部尙書十月

充纂修

世宗憲皇帝實錄副總裁十月條奏粵東沙坦事宜一定

立界之法以杜爭競凡海濱水坦初出各自插標出水之後各自工築報官給照爲業前後左右田灘相遠者不得于工築後爭控一立限田之法以杜豪佔凡有田十頃以上雖田界相遠毋許再種小民圈築亦毋過五頃如捏名霸種查出治罪將霸種之灘給貧民爲業其有資助貧民圈築量取租息田歸貧民者聽一緩升科之期以寬民力陸地開墾定例六年升科海田浮脆應俟十年土性堅實之後始令納賦一厚蠲恤之法以備不虞潮

甘莊恪公全集

傳

勅下廣東督撫酌議尋議覆允行乾隆元年正月奏請除煩苛之權稅一邊海居民採捕魚蝦船用單桅不能出洋貿易例止本縣給照稽其出入近聞各海關監督令其請領關牌同雙桅出洋貿易之船

一體納鈔請

勅海疆督撫查明蠲免一近海貧民資生無業有用竹筴取魚者有于埠頭養鴨者閩廣之間悉按以徵稅無裨國計實有害于貧民請盡數蠲除以甦民累部議允行七月充三禮館副總裁乾隆二年九月疏言元儒吳澄踐履篤實以道自任明宣德年間詔准從祀及嘉靖初張聰以澄生宋仕元黜之考宋制鄉薦不第仍充生員澄在宋雖膺鄉薦未沾一命及元有天下猶十召不起甫進旋退出處

甘莊恪公全集

傳

之際卓然君子臣充三禮總裁見澄所著禮經諸

書授据精切義理融貫實能羽翼經傳請

勅廷臣集議仍准入祀從之三年十月調吏部尚書仍兼兵部尚書事務四年三月充會試正考官四月充

殿試讀卷官五月加太子少保七月內卒于官

諭曰吏部尚書甘汝來持躬端謹辦事恪勤久歷外任賢聲素著自簡任尚書以來實心供職正資倚用今聞患病溘逝深爲軫惻聞其家計寒素且無經理後

事之人著賞帑銀一千兩該部司官代爲料理命散

秩大臣一員帶領侍衛十員往奠茶酒

賜葬祭如例諡莊恪

甘莊恪公全集

傳

六

甘莊恪公神道碑

趙國麟

國家建官銓管人材塗分文武而權自吏兵二部
尙書資崇位高任隆望重

皇上踐阼之初以至德要道治天下

特旨首擢禮部右侍郎奉新甘公爲兵部尙書越三載
晉吏部尙書仍兼理兵部尙書事邦治修邦政舉
祇慎廉平有馬鈞陽劉華容風歲在屠維協洽秋
孟公以勤勞薨于位

天子震悼給賞帑銀一千兩經理後事

甘莊恪公全集

神道碑

一

命大臣往奠茶酒禮臣遵

旨議給全葬

遣官政祭一次奉

旨依議還與他謚卹典優渥孤子永廣扶柩歸里擇于
庚申年八月廿五日葬公于進城鄉蓮花山之原
爰持行狀踵門而告于余曰先公忠以事國孝以
承家不及今鐫之于石將日遠日忘奚以視遺胃
于無窮敢以請余固素知公之學術經濟者禮闈
偕主試事欽服明德惡得以辭今撮其忠孝大節

而序之曰甘譜源自姬宗東周有卿士甘昭公秦有左丞相茂漢有關內侯延壽逮折衝寧仕吳甘爲丹陽郡望奉新之甘由丹陽再徙代有聞人而名位勲業至公而大盛公諱汝來字耕道號遜齋高祖懋謙文學早世妣單氏守貞旌表曾祖廷仕妣陳氏祖應俊妣熊氏並以公貴贈光祿大夫一品太夫人父顯祖餘干縣教諭雍正丙午科舉人剛毅端方精研心性之學卓然爲名儒以公貴累封光祿大夫妣徐氏先卒追贈一品太夫人在

甘莊恪公全集

神道碑

二

娠太夫人夢黑龍繞室幼聰穎讀書善記誦封公督課嚴甚尤以忠孝大節勗之曰大孝始于事親中于事君終於立身資於事父以事母而愛同資於事父以事君而敬同孺子識之公長跪受教曰不敢忘公之行道濟時顯親揚名作

皇朝忠蓋臣耆基於是已長淹貫經史通古今治畧辛卯舉于鄉癸巳成進士戊戌授涿水令邑在易州東四十里密邇涿鹿新城旗民雜居地也糧丁輕雜派重小民種旗地半庄頭輒增租數農懼困鮮

生計公平減禁約俾輸將有定額供作有餘資例旗人有犯不得捶責公請上官以柳木棒威之強暴頓戢其尤難者在調鷹放鴉通報事已亥冬鷹上侍衛畢里克帶領拜唐阿桑格格思乾及家人數十輩至涿虎踞民房騷擾荼毒雞犬不寧民萬廷荷憤激直前理爭畢揮家奴捶萬幾斃衆不平赴縣訴而畢反先衆入署咆哮大言責公以不能供帳爲涿民先公念受父教成名官命吏目擊百姓罹害顧低首下心怵怵覘覘爲民羞是不忠而

甘莊恪公全集

神道碑

三

致不孝也遂拘留畢收繫餘黨通報直督請上聞未及奏奉

旨提審蓋鷹上大臣先已摺奏矣公赴京吏兵刑三部會訊公慷慨陳詞氣色不撓官吏咸驚訝此強項令何處得來獄上

聖祖仁皇帝特旨甘汝來着免罪侍衛畢里克着革職公回任辛丑春調補新安令城西有白楊一淀廣數千畝瀕大河而障以堤公思導河淤資耕作質諸父老知官設厲禁因指陳利益請諸子牙河分司

而開鑿灌注之是年民間收麥數萬斛荒壤易成膏腴若其修城垣嚴保甲建義學行賑濟恤民隱于西漢循吏六人東漢十二人真堪頡頏後先濟美時封公迎養新署見公吏治甚喜每飯常加一餐曰兒果不忘吾教者癸卯陞吏部文選司主事世宗憲皇帝勵精圖治部臣罔敢玩愒公釐奸剔弊選法澄清冬授廣西太平知府太平界接安南轄流州縣僅四土州府至二十有一土人劫掠仇殺無寧歲公察其禍起于科歛率由流官責賄賂于土官

甘莊恪公全集

神道碑

四

致之首禁絕屬員餽送并檄土司親詣郡守公具言

子神聖威武慈仁子養億兆人庶雖在瘴癘蠻荒苟有疾苦皆得上聞爾其保守世業毋得自外王化取殄滅聞公言者鼓舞譁呼悚息流汗輸服而去麓州土司趙某穢德彰聞公廉得其實請督府泰處密以他事調至郡解其印綬分上下二龍司設土巡檢二土目豪猾束手聽令無一譁者乙巳春陞左江巡道思明土州與安南祿州爭地數年不定

公任郡事申制府移知外藩陪員會勘已訂期矣至是公馳赴思陵失期不至公即定界畫圖報上并請申飭外藩使輸誠謝罪制府一一如公議案得以結夏陞本省按察使矜恤寬恕聽獄以情其開釋宣化縣盜雪潘國正冤平反不讓宋向敏中李若水焉丙午夏陞廣西巡撫秋江右鄉榜發封公偕公弟汝逢子禾獲雋三世同舉盛事罕觀公喜封公積學苦志稍可慰藉而封公益以書勉公曰孝經不引詩乎夙夜匪懈以事一人在今時矣

甘莊恪公全集

神道碑

五

冬進都

陞見丁未春陞都察院左副都御史復奉署理廣撫之旨岑映宸者泗城府土官也地界黔粵幅輳廣潤映宸懦弱貪殘不能彈壓土民仇殺無已時

上遣前撫陞工部侍郎李紱巡撫韓良輔會同雲貴督臣鄂爾泰經理其事公駐桂林遙爲應援公兼程抵粵區盡周詳芻蕘糧舟楫驢馬弓矢器械修整

完集

皇威遐播督臣調度措置應機合宜映宸解印綬自縛

軍門待罪隨械繫之桂林隸其土流官憶昔前明
岑猛陸梁姚鏢輕用誅討陽明曲撫盧王刑賞平
張損傷國體未有聲色不動而蠻鄉帖服若是者
也蓋公自簡任粵疆四載之中一議分龍州一定
界思明一緩靜泗城他若天河之莫東匪奉議之
羅文綱莫不先後就擒投首恐後邕管一帶獲安
衽席而無枹鼓之警者公之勞績居多而羅文綱
一案以未得實情呈部議矣公奉

旨還京戊申春抵都虔候

甘莊恪公全集

神道碑

六

宮門待罪

上命大學士張廷玉召公至乾清門傳

諭云甘汝來年力精壯才具尙好着留京朕另有用處公

聞

命之下念一介微賤由縣令不數年洊歷巡撫前以擅鎖

職官論革職

聖祖仁皇帝特恩寬宥今又獲罪巖疆廢棄歸田已屬萬

幸乃復奉另用之

旨有生之年將何圖報感深肺腑淚涔涔下已下卷

特命公爲咸安宮教習總裁公曰是吾職也蓋公幼隨封

公館鄉塾中鑽仰沉研刮摩淬礪而學大成今卽
以封公之所訓公者教八旗子弟或依經辯學或
隨方占對一時俊髦皆聞言冰釋奉教唯謹用是
鄉會登選科不乏人吁公之移孝作忠不已于陶
育人才見一班哉辛亥春

特旨起用霸昌道旋丁母徐太夫人艱給假三月奔喪抵
家未匝月調補蘇松糧道甫蒞任奉

旨署理廣東藩篆嶺南古所稱犀珠磊落區也布政錢糧

甘莊恪公全集

神道碑

七

總漕公廉約簡素革秤餘銀厚守宰養廉費而嚴
其法陳關稅隱匿則例之弊甲寅夏陞禮部右侍
郎北歸日庫存稅羨充公銀二十萬餘兩公悉具
摺

奏明因便道省封公於里門欲繕摺乞終養封公復
舉資父事君之訓公洒涕就道抵禮部任乙卯八
月二十三日

宗憲皇帝龍馭升遐公號泣躃踊淚盡見血

今上登極毅然復行三年之喪未蒙

皇太后俞允集羣臣廷議公抗聲言曰三年之喪貴賤一

也後世所以不能行者以認理不真故耳我

皇上法堯舜之道行周孔之禮立億萬年彝倫之極或

謂二十七日中不無妨于朝祭大典公曰墨綬視

事越縻以祭禮固言之夫何疑于是詢謀僉同覆

奏准行凡有儀制皆自春官主稿公博考載籍援古証

今具有條理而曠古大禮以定嗚呼自漢文短喪

後晉武魏孝文周武宋高皆嘗遵復古制而臣下

不能將順其美典禮缺如公獨持大義襄贊厥事

甘莊恪公全集

神道碑

人

杜元凱其有慚色哉九月陞大司馬

皇上聖哲仁恕勤求治理海內又安兵革休息公掌部

務明大體務興革訂正則例疏通選法弓箭技勇

兼試武闈無棄材藍翎花翎並取侍衛得補用給

司官吏胥之飯銀恤千總需次之貧乏戎政爲之

一清乾隆三年冬轉太宰仍兼管樞部

命下吏曹胥吏惕息相謂曰豈非前查對僧道科之主

政耶吾輩謹守章程而已舊例雜職選用設僧道

科掌文案堂司以微員故恒不之省奸蠹上下其

手京師號爲黑地獄公前任選司時洞燭其奸吏

胥舊服蓋歷十五六年而猶心悸者也用是鉅政

公平倍于曩日夫六卿建自成周建明政歸六

部而責任綦重吏部統百官均四海兵部制軍詰

禁以糾邦國王勳公正戴金明敏克稱厥職惟馬

文升劉大夏仕同朝練達並稱一時盛事乃公以

一身肩之而邦治修邦政舉祗慎廉平是合鈞陽

華容爲一人也今年五月奉

特諭加太子少保酬勤勞也公益感激鞠躬盡瘁治文

甘莊恪公全集

神道碑

九

書無休時七月二十一日竟以勤勞薨于位孝經

云夙夜匪懈以事一人我公有焉公生于康熙甲

子九月初十日年五十有六五遇

覃恩晉授光祿大夫配彭氏封一品夫人子二承舉人

廣慶生女六孫三嗚呼孝始于事親中於事君終

於立身公之學術經濟一本庭訓故在家爲孝子

在國卽爲忠臣乃公七月歿於京師而封公先於

六月終於故里父子相隨地下豈非純孝之所感

也與公之勲名事實傳諸家乘者將炳諸國史余

第撮其忠孝大節著於篇銘曰

天生偉人黑龍繞室曰孝曰忠父傳子述作宰廼

城廉潔共職見義勇爲強項不屈

聖皇明哲時惟赦之循績報最擢陞選司

帝簡良守剖符邊陲州疆分畫漢土攸宜威信慰誘蠻夷

馴伏

帝眷寵綏高牙大蠹弼亮伏波岑猛面縛告厥成功譴罪

獲釋

皇恩浩蕩敷教三年廣陽震澤嶺海旬宣韓傳孔戡不名

甘莊恪公全集

神道碑

十

一錢宗伯典禮佛時仔肩

大孝蒸蒸超邁炎漢廷議紛紜公言侃侃素衣練冠

皇心靡憾罔極克伸維公贊勳天官祈父懋績丕嘉志

崇業廣庶政惟和清公見美剛直不阿以槐易榆

命也如何凡此鴻功續承家訓遷塞匪躬有懷溫

清移孝作忠根諸天性校士禮闈余躬欽敬公今

云亡孰佐時康

宸衷簡在百世難忘豐碑堂堂松栢之光有不知者視

余銘章

甘莊恪公墓誌銘

張廷玉

康熙五十八年冬涑水令以拘繫侍衛畢里克逮

治

聖祖仁皇帝察其直特還原官於是涑水令名聞於天下

則今已故光祿大夫太子少保吏部尚書兼理兵

部尚書諡莊恪甘公是也公以縣令起家厥歷中

外爲時名臣乾隆四年七月二十一日卒于吏部

官署

上聞震悼遣官經紀其喪賜白金千兩予卹優厚朝野

甘莊恪公全集

墓誌銘

一

咸嘆息焉明年其孤永等以狀乞余銘公姓甘氏

諱汝來字耕道一字遜齋吳丹陽郡人名寧者其

始祖晉徙新吳平陂里明徙奉新縣市今爲奉新

人曾祖廷仕祖應俊皆贈如公官父顯祖以教諭

登賢書封如公官年八十一先數日卒曾祖妣陳

祖妣熊妣徐皆贈一品夫人公清鯁強力裕經濟

才畧康熙辛卯舉於鄉癸巳成進士觀政三載

御試高等授涑水令時邑久旱公至而雨罷民雜派六千

餘兩以火耗充之禁庄田無故增租易佃者有司

例不答旗人請於上官得以柳木棒約束其任事類如此畢里克者侍衛之調鷹差遣者也至冰擅踞民舍民萬廷荷等被其家丁毆幾斃百姓赴愬於令畢里克等亦相率入縣堂責令勢洶湧公勃然怒曰令爲

天子愛百姓而已寧肯令君輩魚肉小民至此遂揮令看守置其家丁於獄將達大府以聞而其黨已以拘職官入告吏兵刑三部會讞公詞氣不屈使非

聖祖仁皇帝知公已獲罪公自京還治所父老子弟爭奉

甘莊恪公全集

墓誌銘

二

羊酒以迎都人士作歌詩以紀其事公名由此大起委攝新安調補又攝雄縣在新安賑災民捐俸予寒諸生禁因

乘輿至供億苛歛及拘民船守候弊鑒白楊淀河堤溉田數千頃在確置奸吏於法又罷民襍派凡三任邑令百姓爭欲得君去則尸祝公

世宗憲皇帝御極之始擢吏部文選司主事更以賢能薦受錫賚分校會試未幾

特擢廣西太平府自此凡四任不出廣西皆見才畧在郡

罷斤龍州土司在左江巡道任定思明土州與安南潯州地犬牙相錯者由按察使陞巡撫已入爲副都御史又以土官岑映宸事仍往署撫臣蒙與督撫二臣調度策應映宸東身歸罪遂改土爲流先後擒莫東旺羅文剛等皆兵不血刃其他修舉廢墜發奸摘伏不可勝舉旋註吏議罷在咸安宮行走逾年起用霸昌道丁內艱給假在任守制未還調蘇松糧道又擢廣東布政司平權量減市稅陳權關藏匿則例之弊請以沙坦地予民耕種而

甘莊恪公全集

墓誌銘

三

緩其陞科入爲禮部侍郎遣讞獄大同時雍正十三年也

今上皇帝登極諸大典禮公以春官多所贊襄擢兵部尙書乾隆三年轉吏部仍兼本兵於武職議侍衛推用法於文員令雜職官皆關白堂上銓叙先是公爲文選司時悉僧道科之弊故也四年與柏梁

乾清宮兩宴典校會試

天子特恩晉階宮保乃以遴選豫省賑濟人員晨入部署忽中疾卒公服官二十年中遇摧折而皆蒙

聖主知旋卽振拔受

三朝委任不衰公亦感激圖報強毅能任大事一時稱公居官清正猶曰此固曩時涑水令之甘公也其丰裁如此至澄叙官方甄陶士類一時公明交頌其肅吏治而振文風者又如此公父庭訓嚴承之以恭母徐下世不重茵貳味者九年所至多創義學修城堡於家則捐建祠廟朋友解囊殯喪尤留心文獻奏請同鄉先賢吳澄從祀學宮名儒故老後人必加存恤蓋見義必爲其天性也自邑令至於

甘莊恪公全集

墓誌銘

四

中丞長六卿歿之日囊無十金之積至不能備喪具

天子嘉公清節且憫其寒素

特賜帑金恩禮優渥則公之賢亦可知矣所著有選齋

文集詩集奏議若干卷

聖諭廣訓疏義周禮簡註宦績紀畧編輯律例歌諸書距

生於康熙二十三年年五十六元配彭氏封一品

夫人子二永雍正丙午舉人廣廕生候補員外郎

女六適榮陽縣丞余光範丙午舉人魏淵映國子

生裘級未出室者字丙辰科舉人李友棠國子生帥家駒諸生萬祚資孫男三立德立功立言以乾隆五年八月二十五日葬於奉新進城鄉蓮花菴

山銘曰

豫章之地歷產名賢死而不朽壽夭則天維公之年未及甲子其所建立垂之青史民若慈母亦受主知再蹶而張終始不移畀以蠟疆雷厲風發宣布恩威施于百粵畀以臺省天開日晶澄叙官方郡公質成

甘莊恪公全集

墓誌銘

五

天子曰都而功于國宮保崇階有臣社稷遠乘箕尾天不憖遺野哭巷泣直道匪私表墓有碑易名有謚我銘其藏昌厥後嗣